

Kitchi mishkikini ka miyosetc

COVID-19 mishkiki mizinigan

5.0 ka tisozinadek April 1, 2021

Wedi mizinigan, kawin inendakosinin kidja kibikimin mishkikini omizinigan, odikidowin, awik nda-kenimaginitc koni kagwe ndoyaginitc, koni awik ndenimajin tibakonigeyinin.

Nogon wedi, covid 19 ka ijinkadegan mishkikin, oma Canada ija pigidinigadeh kidja abidinin, kitchi miyoseh mishkikini oma Canada: [Pfizer-BioNTech ijinkade pejik mishkiki COVID-19 vaccine](#), [odja Moderna kodik ijinkadeh COVID-19 vaccine](#), [mishkiki AstraZeneca acitc kodik ijinkadeh COVID-19 vaccine](#), [mishkiki COVISHIELD acitc kodik COVID-19 vaccine](#), [mishkiki Mamowi Janssen ka ijinkadek Covid 19 vaccine](#). Wedi mishkiki Janssen covid 19 ka ijinkadek, kida atcigade oma miziniginikak, apitc pigidinimowatc Canada. Kina [mishkiki covid 19 odja](#) ogi pigidinanawa oma kidja abidinin, Canadakitcha mishkikini ogi kijigabidanawa, maneh ogi ija atonawa keh ija minendimowatc. Kitchi mishkikini oma Canada, oga nanagijitonawa kidja minowashinik weni mishkikini, agwa kidja manadinik acitc kidja minosenik.

Wewenda wedi nabwadin mizinigan, kidja ayamin agonen keh kagwedeyin, agwamishi pidikagowin wedi mishkiki.

Agoneni COVID-19

COVID-19, akozowin owedi, canonavirus kak kibi odasehmigan (SARS-CoV-2). COVID-19 ka ijinkadek, ka memegwa pibon 2019 nitim ka kendimowatc eh obwewademigik oma okitkamik, maneh awik ogi nojibidon. COVID-19 akozowin, ki-mamindiyok weni akozowinini, eh osidimowatc, eh chachamowatc, nigimotc, animitagozitc koni nesetc. Panima kiga kendan, misowatc awik agwa akozitc inendik, oga kishka minan kodigin awin. [Ke nanagidjitowin dish wedi akozowin COVID-19](#) odja, kida osidim, anawis kida kishka neseh, kida kijizwapineh, kida kikiidjimidjiyo, kida kitimdjiyo, kan kida pidjimadjigesin koni kan kida nisitpidjigesin Nanda awik kan weni oga pidjimitctosin kinigeh, nandah dish awik tedigo kida kitcha akozi.

Adi eh ija widokazomigik COVID-19 mishkiki, agwa kidja nodjibidowin COVID-19

Kina wedi mishkikin, miya gotc akoziwin ima atowin ki-wiyo-kak, nda kendjigemigan adi ke ija odimtamigik. Apitc ki kendimomigik ki-wiyo kidja minomadizimigik, keh ija minosenik mishkikini, kawin apitc oshmesh kida akozisin weni COVID-19 akoziwini.

Kawin kida kishka nodjinbidosin wedi akoziwin pidikagowin wedi mishkiki.

Kiyabitc winda kendimin adi keh ija odimtamigik wedi covid 19 mishkiki, ima kijigabidan [Public Health Ontario \(PHO\) ka ijinkadenik omiziniginiya COVID-19 mishkiki](#) odja, mamowi [ishpin winda kendimin wedi akozowin COVID-19](#) mamowi [COVID-19 mishkiki: Viral Vector-Based Vaccines odijinakadanawa weni mishkikini](#)

Kina wedi COVID-19 mishkikin Canada ka pigidinik, minisemigini agwa kidja akozitc awik, ka-ija gweshtimonawadjin awin Ka ndinjamowatc, ka

gwestimonawadji pemadizinjin nijin weni mishkikini, kina gotc ki minosehni, agwa dish kidja nodjibidowatc akoziwini, mishkikinik kagi ojitowatc ogi gwetonawa ka ija odimtatwat COVID-19 odja. Minigik dish ehpitcha minosek 14, midasheshitc newin kijigik minigik ishkwaw minigowin wedi mishkiki, agwa mishi kodik minigowin, 90 % ogi ija agidanawa eh atehnik ima Pfizer-BioNTech mamowi Moderna ka ijinkadenik , oshmesh 70% dish AstraZeneca/COVISHIELD ka ijinkadimowatc. Minigik ishkwaw minigowin yedi kodik mishkiki, oshmesh 90% Pfizer-BioNTech mamowi Moderna acitc oshmesh 80% dish ayi AstraZeneca/COVISHIELD. Panima nijin wedi mishkiki kiga odapinan. Kawin kinesh kida minosesinon kimishkim COVID-19 odja ishpin agwa kodik yedi odapinimin, panima gotc ki odapinim yedi kodik. **Kina gotc wedi COVID-19 mishkikin, kiga widokagon agwa mankatc akozimigwamik kidja abin**

Agonen wendi keh kishka odapinik

Kina panima kiga wabidigo, kawin kiga kinoshkimagosin wedi odja mishkiki, mamowi miwedi keh minaginitc kinoweh ka akoziyatc.

- Pfizer-BioNTech COVID-19 mishkiki ka ijinkadek, awik ka midashecitc nigodasi tisobonezitc odkishka odapinan koni notc ka kehtehyotc.
- Moderna COVID-19 dish ka ijinkadek, ka midashecitc nishwatsobonezitc eta oda kishka odapinan koni notc eh kehtehyotc.
- AstraZeneca COVID-19 mishkiki mamowi COVISHIELD ka ijinkadek, , ka midashecitc nishwatsobonezitc eta oda kishka odapinan koni notc eh

kehtehyotc. Wedi dish nogon, kitcha mishkikini ka kijigabidik weni akozi-mizinigani (NAIC) [dish ka ijinkazowatc onadendanawa](#) COVISHIELD AstraZeneca COVID-19 mishkiki agwa kidja minaginiyatc nanmodina acitc nanin kat tisoboneziyatc.

Nda kendin ashkwen kidja kishka minigowin wedi mishkiki, nosiniyan omiziniginiya keh ikadomginik, [Ontario's COVID-19 vaccination plan ijinkadehni](#).

Abomshi minigowin wedi mishkiki, widimo ki-mishkinim ishpin:

- Ishpin inendimin akoziwin, COVID-19 koni kegon ima pejik kagi widimagon wisigendimin COVID-19 odja.
- Ishpin wikat ki pakshin wedi megwatc eh odapinimin mishkiki covid 19, koni ima ka atcagadek, koni gotc kodik ehjanagok mishkiki.
- Ishpin wedi ayamin akoziwin ka pakshinanok.
- Koni got ki-miyonawsinan koni ki-tcojoshkeyosinin.
- Kawin kida odimtamisisonon wedi ishpin mindjoshimin koni kagwe ndowigowin, koni ishpin kinda kenimigowin, kendjagadek ehnapinen agwa kegon eh todaigowin wedi.
- Ishpin ki nikabidimin koni koshkwesewin apitc ishkwaw minigowin wedi kagi minigowin odi ishkwiyak, ishpin kotamin kidja pidikagowin. Kiga wido kak mishkikini ka widokak, tapishkotc, wi makoshinin apitc pidikagowin agwa kidja nikabidin.
- Ishpin pishik kibitnehyin, odpinimin dish mishkik yedi odja, kawin ta-kibwajigwisinin kimiskwin. Oga widokagon weni keh nabwadik ishpin kotik shabinigini.
- Ishpin wikat kodik ki minagowin kodik mishkiki agwa dish COVID-19) midasheshitc newa-kijigik.

[Mishkiki wedi minigik ke minaginiyat keh ija maneyatc](#), mizinigan kiga widimagon winda kendamin ishpin tcojoshkeyosin koni miyonasin, ishpin dish pakshin, koni akozi-misidewin, omindjoshshimin dish, awik agwa ka kehtehyotc notch ishpamigini adi keh ijisetc weni nodjibidok COVID-19. Ishpin kegon ayamin kidja kagwedeyin kin odja, ehnapineyin dish, kinosh ki-mishkinim.

Agonen keh kishka nangiibakweni mishkikini

- Awik kagi minaginitc kodigini mishkikini, (kan win COVID-19 mishkiki)odi ishkweyak madashecitc new-kijik minigik
- Awik ka akozitc kodigini kegoni: panima gwendik oga pabitonawa kidja ishkwaa akoziyatc, agwa kegon kidja iditc apitc weni minaginitc COVID-19 mishkikini
- Awik ka pidjimitc tok COVID-19. Keh todimin awga kidja minitc kodik awik COVID-19 akoziwini, ishpin gwendik pidigewatc mishkikinikwe kak, kida widimowaginiyok keh todimowatc, acitc kidja nda-kenimidiziwatc ashkwen kidja akozitc.
- Awik dish kagi inaginitc kida kibodizitc, agwa awin kidja peshwamadjin, ayak dish COVID-19, panima awedi kan kidi ijasin mishkikinikwe kak, panima gotc ki-ishkwasenik minigik keh kibodizitc.

Anetodjigadek wedi kidja minagowin mishkiki?

Kiga pidikinikewigo (eja mishkwezin nekenah). Oma ka tijikewatc ogimanodaginik onosiniyanawa [ka widimagodjin National Advisory Committee on Immunization \(NACI\)](#) ka ijinkazowatc, kiyabitc kidja pabitowatc pigi agwamshi kodigini pidikwaginiyotc Pfizer-BioNTech mamowi Moderna and AstraZeneca/COVISHIELD mishkiki, panima ishkwaa newin kishkwaa kitsehziitc oga piton agwamshi kodik odapinik.

- Iyedi Pfizer-BioNT mishkiki, kwewin panima newin ishkwaa tisigizitc oga piton agwamshi kodigini odapinik.
- Iyedi dish Moderna mishkiki, mi pejigon kewin iyedi, panima newin ishkwaa tisigizitc oga piton agwamshi kodigini odapinik.
- Wedi dish AstraZeneca mamowi COVISHIELD mishkikin, mi pejigon, panima newin ishkwaa tisigizitc oga piton agwamshi kodigini odapinik.

Kina awik panbima pejigon eh ijanagonik covid 19 mishkikini oga odapinan (awik ka odapinik, weni, pejigon panima kida ijinagoni). Pepkan ka ijanagok wedi mishkiki (mRNA Viral vector) ka ijikadek, kan panima pejigon oga ija odapinisin.

Agonen oma ka atcigadek wedi mishkiki kak?

Ka atcigadek ima		Pfizer-BioNTech ka ijinkadek	Moderna	AstraZeneca / mamowi COVISHIELD ka ijinkadegan
Awik akozitc		<ul style="list-style-type: none"> mRNA 	<ul style="list-style-type: none"> mRNA 	<ul style="list-style-type: none"> Agwa pejigon ka ijanagok wedi viral vector ka ijinkadek mishkiki
Agwa mankat c mishkiki nin	<p>Ka akozi migik kiligig i koni kitetig osiya</p>	<ul style="list-style-type: none"> ALC-0315 ALC-0159- Polyethylene glycerol 3-phosphocholine (peg) ka ijinkadegan 1,2-Distearoyl-sn-glycero-3-phosphocholine (DSPC) ka ijinkadegan Cholesterol, awik ka wisigendik odisnake kak 	<ul style="list-style-type: none"> 1,2-Distearoyl-sn-glycero-3-phosphocholine (DSPC) ka ijinkadegan Cholesterol, awik ka wisigendik odisnake kak PEG2000 DMG SM-102 	<ul style="list-style-type: none"> Disodium edetate dihydrate (EDTA) kodik injinkadeh kodik mishkiki, ka pitipongemigik kodik ka ijinkadek mishkiki, ka ishwazigemigik kodik ka ijinkadek mishkiki, ka ishwazigemigik 80 ka mizinadek kodik ka ijinkadek

Ka atcigadek ima		Pfizer-BioNTech ka ijinkadek	Moderna	AstraZeneca / mamowi COVISHIELD ka ijinkadegan
Agwa mankat c mishkiki nin	Siziba kot	<ul style="list-style-type: none"> • Dibasic sodium phosphate dihydrate • midjin ka inabidjicigadek inabidan wedi • ka shotaginik ka napishkagemigik • ka pigishkak mishkiki midjim ka napishkadjigemigik 	<ul style="list-style-type: none"> • kegon ka wisigipigok • kegat nibi, mishkikini ka abidjitok • kegat nibi • ehjanagok kinibim 	<ul style="list-style-type: none"> • ka nigizigemigik • ka asiniyosek
		<ul style="list-style-type: none"> • Sucrose mishkiki osizibakodam 	<ul style="list-style-type: none"> • Sucrose mishkiki osizibakodam 	<ul style="list-style-type: none"> • Sucrose mishkiki osizibakodam
	<ul style="list-style-type: none"> • Nibi kidja pidikagowin 	<ul style="list-style-type: none"> • Nibi kidja pidikagowin 	<ul style="list-style-type: none"> • Nibi kidja pidikagowin 	

Panima wedi kiga kijigabidan wewenda, nanda awik kan weni oga minoshkakosin ka atcigadenik, mamowi gotc **polyethylene glycol (PEG)**, mamowi **polysorbate 80** acit dish **tromethamine**. Anish kawin tebwe kendaksonon kidja okozigowin wedi. Polyethylene glycol (PEG) ka ijinkadek, kiga mikan wedi eh abitcidjigadek mishkiki kak, kidja kisha miziwin, koni, shabwateshimigowin, kidha kishka miziwin, osidimom-mishkiki, ka wejiyagenanok, ka kiziyabidegewin mamowi, ki-wapkawinikak, mamowi kidja kizisibidowin ki-wapikawan. Polyethylene glycol acitc kida mikan midjimikak koni kegon minokweyin, kawin anish kida akozigosin midjim koni keh minokwewin. Polysorbate 80 dish win kida wabidan mishkiki kak onabodjigadek, (kegon ka mideyok, mishkikin mamowi awik ka ominjoshimitc), mamowi wajiyoganikak. Tromethamine dish win ka atcigadek mishkikikak keh atowin kidon kak, ketehyak odja.

Anehsenanok wedi odapinimin mishkiki?

COVID-19 mishkiki, miya gotc kina kodigin mishkikin, kegon pigi kiga pidjimitcton, ishkwá pidikagowin, anish kano kina awik ka ijasetc, pigi eta oga pidjimitcton. Kanta animodagok kegon kidja pidjimitctown dish, ishkwá pidikagowin wedi mishkiki covid 19, kiga pidjimitcton misowat kidja wisigendimin, kidja miskozin, koni kidja pakishin, apitc pidikagowin, kiga kitim, kiga tekwe, kiga wisigendan eh ija mishkweziwin, kikin kak, kiga kikiidimdjyonin, mamowi pigi kiga kijizwapineh.

Kagi mokonjagadek dish wedi odja COVID-19 mishkiki, kawin tigosinon ima kidja kitchi **kegon ijasewin**. Kagi gweshtimonaginiyatc dish weni mishkikini, eh ndinjamowatc, kiyabitc gotc misowatc onanagidjyawan awin ka odapinimindjin, ashkwen kinesh kidja ayogotc kegon kidja ijasetc.

Mishkikinik ogishtonawa kidja ndowik ishpin kegon ijasewin Apitc dish kodik minigowin wedi COVID-19 mishkiki, widimo ki-mishkinim kegon ehgi ijasewin ka pidikagowin nitim.

Kawin tebwe, AstraZeneca/COVISHIELD mishkiki ka ijinkadek, kawin kibwajigwisinon ki-miskwi, ishkwá pidikagowin. Mishkikinik odijinikadanawa, ka widokazimgik mishkiki ke nigitctowin [thrombocytopenia](#) (VIPIT). Nijin oma tigon agwa kidja kiboshkamigik ki-miskwi, newikijik nash nishtina-kijigik ishkwá pidikagowin, pigisagimisin (ki-miskwe checin widokazimigan agwa kidja kibwajigwiwok ki-miskwim, agwa kidja miskwiwok). VIPIT ka ijinkadek, kan tebwe tigosinon ima, pejiki koni kan kinigeh awik oga ayasin. Notch ikwe kak kiga ija wabidan, ka nanmodina acitc nanin ka tisoboneziyatc. Enabigis kijigwabidan, [VIPIT Following AstraZeneca COVID-19 Vaccination](#) kago ojibigadek kidja ndikendimin.

[Mishkikinik oma Canada](#) ikadok kidja mino todagowin wedi

AstraZeneca/COVISHIELD mishkiki oma kina canada ka tijikewatc, covid 19 kiyabitc misowatc oda kishka shagotcton weni. Nita tigon wedi ka kibwajigwiwok miskwi, notc ka kehtehyotc awik. Kinta kendagon wedi COVID-19 eh kiboshkadjigemigik kimiskwi, kakina dish COVID-19 mishkiki abidjicigadeh eh ija kibwajigwiwonik awik omiskwi, odi ishkwiyak, koni ishpin kibi kibwajigwinik omiskwiya kijinedaginik, ka odapinimowatc mishkikini agwa kidja kipigagiminik omiskwi.

Anpitc keh kinonik ni-mishkinim ?

Ishpin segendimin kegon ijasewin, agwa dish madjamigik, kinosh ki-mishkinim, nda-kenimidizin.

Eh ija pesnagok akozimigwamik ijan koni ndendin akoziodaban, ishpin wedi pejik kegon pidjimitctowin ishka nisikijik.

- amo pidikak
- pakishin kidon kak
- animizin kidja ne sewin
- wabiniyozin koni kiyoshkwesiwin
- kiziswapineyin (oshmesh 40 ijamigik)
- ka niksehnanok koni shigogewin
- kodik kegon kitche ijasewin

Ishpin ki odapinimin AstraZeneca/COVISHIELD mishkiki, kendimin dish akozwapineyin ishka pidikagowin, **enabigis teshigotc mishkikinikwe kak ijan**:

- anawis kishka ne sewin
- akozidinakewin
- pakishiwin ki katkak koni kinik kak
- akozimisi dewin
- ona tekewin koni agwa tebwe wabin
- apisiziwin, miskozin koni pepekidja miskozin kijiga kak

Kida kishka kinona acitc [ka minijack mishkikini](#) kidja gwediwin kegon koni wi tibadjimowin ehsehwin.

Nda ndodapinan nah misowatc kodik?

Ishpin wedi nitim ki odapinimin COVID-19, ijan koki kodik Kodik kidja odapinimin, ka inik gotc mishkikinikwe, kagi minik weni nitim. Panima nijin nash kiga odapinan wedi mishkiki agwa kidja nojibidowin COVID-19, kawin kida minisehsinon eta pejik kidja odapinimin, panima gotc nijin nash pidikagowin. Pidon kida-okozi mizinigan kodik ndodapinimin. **Panima gotchi nijin nash ke pidikagowin, misowatc gotc kegon pidjimitctowin.**

Agonen ke gwedjimik kegon wi kigwedeyan?

Ishpin ayamin kegon kidja gwediyin, ki-mishkinim kinosh koni ka pidikak weni mishkikini.